

粵西叢載

粵西叢載

粵西丛载

一函
八册

北京市中国书店印行

定价：六十八元

粵西叢載卷二十七

奉直大夫前廣西桂林太平兩府通判汪森編輯

南越趙氏

南越武王趙佗真定人秦始皇初并天下略定楊越置桂林南海象郡以謫戍民與越雜處十三年以佗爲南海龍川令

卽今博羅縣之東鄉

至二世時南海尉任囂病且死召

佗行南海尉事囂死佗卽移檄告橫浦陽山湟谿關曰盜兵且至急絕道聚兵自守秦已破滅卽擊并桂林象

郡自立爲南越武王

饒仲學海下同

趙光

蒼梧王趙光者越王同姓聞漢兵至及越揭令自定屬

漢越桂林監居翁諭歐駱屬漢皆得爲侯

區憐

區憐象林蠻也漢永和丁丑四月憐等攻縣寺殺長吏交州刺史樊演發交阯九真兵萬餘人救之兵士憚遠役反攻其府府雖擊破反者而蠻勢轉盛侍御史賈昌與州郡討之歲餘不克戊寅閏四月帝召百官問以方略皆議遣大將發荆揚兗豫四萬人赴之李固駁議以爲勞師遠討非計也但宜選將帥以爲刺史太守祝良張喬皆可任用四府悉從固議卽拜良爲九真太守喬爲交阯刺史喬至開示慰誘並皆降散良到九真單車入賊中設方略招以威信降者數萬人皆爲良築起府

寺嶺外復平

李遜

東晉李遜爲九真太守太元庚辰十月遜據交州反辛巳七月交趾太守杜瑗斬遜交州平

李凱

李凱交州人爲梁交州刺史天監己酉春二月凱據州反長史李昺討平之

李賁

李賁交趾人世爲豪右仕不得志有并韶者富於詞藻詣選求官吏部尚書蔡樽以并姓無前賢除廣陽門郎韶恥之賁與韶還鄉里大同辛酉十二月交州刺史武

林侯諮以刻暴失衆心時賁監德州因連結數州豪傑俱反梁遣諮與高州刺史孫罔新州刺史盧子雄將兵討之甲子正月賁自稱越帝置百官改元大德乙丑六月梁遣交州刺史楊驃討賁驃以陳霸先爲前鋒至交州賁帥衆拒之敗奔嘉寧城諸軍圍之中大同丙寅八月賁復帥衆自獠中出屯典澈湖衆軍憚之頓湖口不敢進陳霸先曰我師老而無援入人心腹若戰不捷豈望生全今藉其屢奔人情未固正當決力取之諸軍皆莫應是夜江水暴起七丈注湖中霸先勒兵乘流先進衆軍鼓譟俱前賁衆大潰復竄獠中戊辰三月屈獠洞斬賁賁兄天寶收餘兵圍愛州陳霸先帥衆討平之

李光仕

李光仕桂州俚帥也開皇丁巳二月光仕作亂帝遣王世積周法尚討之光仕戰敗帥勁兵走保白石洞法尚獲其黨降者輒以妻子還之居旬日降者數千人光仕衆潰而走追斬之帝又遣何稠討光仕稠諭降其黨莫崇等承制署首領爲州縣官

李世賢

李世賢桂州人開皇十七年秋七月桂州作亂帝遣將軍虞慶則討平之

李佛子

李佛子交州俚帥也仁壽二年冬十二月佛子作亂據

越王故城遣其兄子大權據龍編城其別帥李普鼎據
烏延城楊素薦劉方爲總管討之至都隆嶺遇賊擊破
之進軍臨佛子營先諭以禍福佛子懼遂請降送之長
安

蕭銑

唐武德元年蕭銑卽皇帝位使魯王張繡徇嶺南隋將
張鎮周王仁壽等拒之旣而聞煬帝遇弒皆降於銑欽
州刺史寧長真亦以鬱林始安之地附於銑漢陽太守
馮盎以蒼梧高涼珠崖番禺之地附於林士弘銑士弘
各遣人招交趾太守丘和和不從銑遣寧長真帥嶺南
之兵自海道攻和和欲出迎之司法書佐高士廉說和

曰長真兵數雖多懸軍遠至不能持久城中勝兵足以當之奈何望風受制於人和從之以士廉爲軍司馬將水陸諸軍逆擊破之長真僅以身免盡俘其衆旣而有驍果自江都至得煬帝函問亦以郡附於銑

資治通鑑

李思慎

李思慎嶺南俚戶也俚戶舊輸半課交趾都護劉延祐使之全輸俚戶不從延祐誅其魁首乙酉正月武后改元垂拱三年丁亥七月思慎等作亂攻破安南府城殺延祐桂州司馬曹玄靜將兵討思慎等斬之

學海下同

歐陽倩

歐陽倩始安獠也長安癸卯十一月擁衆數萬攻陷州

縣制以裴懷古爲桂州都督仍充招討使懷古纔及嶺上飛書示以禍福倩等迎降且言爲吏所侵逼故舉兵自救耳懷古輕騎赴之賊衆大喜悉歸所掠貨財嶺外悉定

梅叔焉

梅叔焉安南賊帥也開元十年八月叔焉等攻圍州縣遣內侍楊思勗討之思勗募羣蠻子弟得兵十餘萬襲擊大破之斬叔焉積尸爲京觀而還

梁大海

梁大海邕州封陵獠也開元丙寅正月大海等據賓橫州反二月巳酉遣內侍楊思勗發兵討之十二月思勗

生擒大海等三千餘人斬首二萬級而還

梁崇牽

梁崇牽嶺南蠻酋也大曆辛亥二月崇牽自稱平南十道大都統據容州與西原蠻張侯夏永等連兵攻陷城邑前容管經略使元結等皆寄治蒼梧經略使王翊至藤州以私財募兵不數月斬賊帥歐陽珪馳詣廣州見節度使李勉請兵以復容州勉以爲難翊曰大夫如未暇出兵但乞移牒諸州揚言出千兵來援冀藉聲勢亦可成功勉從之翊乃與義州刺史陳仁瓘藤州刺史李曉庭等結盟討賊翊募得三千餘人破賊數萬攻容州拔之擒梁崇牽盡復容州故地分命諸將襲西原蠻復

欽定四庫全書
卷一百一十五
五
鬱林等諸州先是番禺賊帥馮崇道桂州叛將朱濟時
皆據險爲亂陷十餘州官軍討之連年不克李勉遣其
將李觀與翊并力攻討悉斬之三月五嶺皆平

覃問

覃問西原賊帥也大曆癸丑九月循州刺史哥舒晃據
嶺南反詔嶺南節度使路嗣恭討晃容管經略使王翊
遣將將兵助之問乘虛襲容州翊伏兵擊擒之

黃少卿

黃少卿欽州蠻酋也貞元甲戌五月少卿反圍州城邕
管經略使公孫器請發嶺南兵救之上不許遣中使諭
解之八月少卿陷欽橫潯貴等州攻公孫器於邕州憲

宗元和戊子五月少卿請降以爲歸順州刺史少卿雖降而數反覆巳亥十月桂管觀察使裴行立容管經略使陽旻欲徼幸立功爭請討之上從之嶺南節度使孔戣屢諫曰此禽獸耳但可自計利害不足與論是非上不聽大發江湖兵會容桂二管入討士卒被瘴癘死者不可勝計行立旻竟無功庚子正月穆宗卽位十二月國子祭酒韓愈上言黃家賊居無城郭依山傍險尋常亦各營生急則屯聚相保比緣邕管經略使多不得人德旣不能綏懷威又不能臨制侵欺鹵縛以致怨恨遂攻劫州縣侵暴平人或聚或散終亦不能爲事近者裴行立陽旻意在邀功獻計征討邕容兩管經此凋弊殺

傷疾疫十室九空如此不已臣恐嶺南未得寧息兼此賊徒亦甚傷損察其情理厭苦必深若因改元大慶赦其罪戾遣使宣諭必望風降伏仍爲選擇有威信者爲經略使處置得宜自無侵叛上不能用

劉士政

劉士政初爲安州指揮使乾寧乙卯冬安州防禦使家晟與朱全忠親吏蔣玄暉有隙恐及禍乃與士政及兵馬監押陳可璠將兵三千襲桂州殺經畧使周元靜而代之晟醉侮可璠可璠手刃之推士政知軍府事可璠自爲副使詔卽以士政爲經畧使庚申賜桂管軍號曰靜江陞士政爲節度使是年十月士政聞湖南馬殷悉

平嶺北大懼遣陳可璠屯全義嶺

在桂州東北一百五十里

以備之

殷遣使修好於士政可璠拒之殷遣其將秦彥暉李瓊

等將兵七千擊士政湖南軍至全義士政又遣指揮使

王建武屯秦城

在桂林城北八十里相傳爲秦戍五嶺地

可璠掠縣民耕牛

以犒軍縣民怨之請爲湖南鄉導曰此西南有小徑距

秦城纔五十里僅通單騎彥暉遣李瓊將騎六十步兵

三百襲秦城中宵踰垣而入擒王建武比明復還紿之

以練造可璠壁下示之可璠猶未之信斬其首投壁中

桂人震恐瓊因勒兵擊之擒可璠降其將士二千皆殺

之自秦城以南二十餘壁皆望風奔潰遂圍桂州數日

士政出降桂宜巖象柳五州皆降於湖南士政據桂州

凡五年

王季元

王季元安南牙將也貞元癸未二月己亥季元逐其觀察使裴泰泰奔朱鳶明日左兵馬使趙旬斬季元及其黨迎泰而復之

楊清安南賊也安南都護李象古以貪縱苛刻失衆心清世爲蠻酋象古召爲牙將清鬱鬱不得志貞元十四年己亥象古命清將兵三千討黃洞蠻清因人心怨怒引兵夜還襲府城陷之殺象古及妻子官屬部曲千餘人詔以桂仲武爲安南都護赦楊清以爲瓊州刺史庚子正月桂仲武至安南清拒境不納清用刑慘虐其黨